



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11/03-34-7041-3/22  
Sarajevo, 20.1.2023. godine

**SVIM OSNOVNIM ŠKOLAMA NA PODRUČJU KANTONA SARAJEVO**  
**n/r direktora/direktorice**

**Predmet: Upis djece u prvi razred osnovne škole u školskoj 2023/2024. godini, informacije,**  
**dostavljaju se**

Cijenjeni,

kao što ste upoznati upis djece u prvi razred osnovne škole za školsku 2023/2024. godinu obaviti će se u periodu od **1. 2. do 28. 2. 2023. godine** (prvi upisni rok). Napominjemo da se školskim obveznikom smatra dijete koje do 1. marta tekuće godine navršiti pet i po godina života, odnosno upisati se može i dijete mlađe uzrasne dobi, ukoliko postoji zahtjev roditelja, preporuka komisije koja smatra da je to u najboljem interesu djeteta i ukoliko dijete do kraja kalendarske godine puni šest godina života.

Ovim putem Vas želimo informisati da će Uvjerjenja o pohađanju predškolske ustanove (za sve vrste programa koji se realiziraju u predškolskim ustanovama) i obrazac prijave za upis u osnovne škole roditelji/staratelji **preuzimati u predškolskim ustanovama**, a koji će biti dostupni predškolskim ustanovama putem EMIS sistema, te isti, uz ostalu zakonom propisanu dokumentaciju roditelji/staratelji dostavljaju školama na e-mail adresu ili lično u školi.

O terminima testiranja djece u školi obaviještavate roditelje/staratelje putem e-maila koji je naveden u obrascu prijave za upis djece u prvi razred osnovne škole za školsku 2023./2024. godinu. Za roditelje koji ne mogu koristiti e-mail, testiranje možete zakazati telefonom ili na način koji smatrate prikladnim.

Koristimo se prilikom da Vas informišemo, da smo, u skladu sa članom 54. stav 6. Zakon o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20



i 33/21) saglasni da, shodno zahtjevu roditelja/staratelja, upisujete i učenike koji ne pripadaju školskom području vaše škole, poštujući Pedagoške standarde i normative za osnovnu školu („Službene novine Kantona Sarajevo“, broj 30/18, 9/22 i 20/22), odnosno raspoložive kadrovske i prostorne kapacitete škole.

U narednom periodu potrebno je da **na web stranici škole** istaknete **školsko područje** i **e-mail adresu škole** na koju će roditelji/staratelji dostaviti potrebnu dokumentaciju.

Na znanje i postupanje dostavljamo Vam uputu o upisu koju smo pripremili za roditelje/staratelje.

Prednost uvezivanja modula EMIS-predškolsko ogleda se u tome što ćete većinu podataka već imati u sistemu te iste nećete unositi u sistem kako ste do sada radili.

Želimo Vam sreću i uspjeh na predstojećim aktivnostima.



Dostaviti:

1. Naslovu
2. a/a



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-128  
Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

2/2